

3



REPUBLIKA E SHQIPËRISË

Vau Dejës, me 21.03.2023

Nr. 2033/1 prot

Nr. ____ prot

MARRËVESHJE PËR SUBVENCIONIM

Sot, më datë 21.03.2023, në Vau Dejës, lidhet kjo Marrëveshje për Subvencionim midis palëve me të dhena si më poshtë:

- **Bashkia Vau Dejës**, me adresë: Sheshi "Rr. Qafa e Gurit", përfaqësuar nga z. Mark Babani, Kryetar, (në vijim referuar si, "pala 1")

dhe


- "Ndërkomunale Bushat" Sh.a., shoqëri aksionare, e themeluar dhe ekzistuese në përputhje me legjislacionin shqiptar, me seli në adresën: Bushat, Vau Dejës", regjistruar ne Regjistrin Tregtar Shqiptar, te mbajtur nga Qendra Kombëtare e Biznesit, me numër unik identifikimi të subjektit (NUIS): K87108002A, përfaqësuar nga administratori Z. Agron Çeka, (ne vijim, "pala 2")

Me poshte referuar bashkarisht si "Palet" dhe veç e veç perkatesisht si "pala" dhe të cilët me vullnetin e tyre të lirë dhe të plotë lidhin këtë Marrëveshje për subvencionim.

Marrëveshja hartohet në bazë të Ligjit nr. 9901, dt.14.04.2008 "Per Tregtaret dhe Shoqerite Tregtare", i ndryshuar; Në Vendimin e Keshillit të Bashkisë Vau Dejës Nr. 84 datë 23.12.2022 "Për miratimin e Buxhetit të Vitit 2023 dhe programit buxhetor afatmesem perfundimtar 2023-2025, numrin e punonjesve për Bashkinë Vau Dejës " Të miratuar me shprehje ligjshmerie nga Prefektura Shkodër me shkrese nr. 24/1 datë 12.01.2023

MEQENËSE

- A. Shoqëria "Ndërkomunale Bushat" sha, ka si aksioner të vetëm 100%. (njëqind përqind) Bashkinë Vau Dejës



- B. Përmbaruesi Gjyqësor Emirjeta Zisi, me shkresën nr. 290 prot, datë 03.10.2022, ka njoftuar shoqërinë "Ndërkomunale Bushat" sha, mbi vendimin e gjykatës nr. 507 (3391) datë 13.09.2022, me anë të së cilës kjo e fundit rezulton debitore në shumën 68, 519, 913.04 (gjashtëdhjetëetëetëmilionë e pesëqindëntëmbëdhjetë e nëntëqindetrembëdhjetë pikë zerokatër) lekë.
- C. Duke qënë së Shoqëria "Ndërkomunale Bushat" sha dhe përmbaruesi kanë dakordësuar parimisht për të realizuar me këste shlyerjen e detyrimeve, me qëllim që mos të vendoset masa e saktës mbij shoqërinë.
- D. MeVendimin e Keshillit të Bashkisë Vau Dejës Nr. 84 datë 23.12.2022 "Për miratimin e Buxhetit të Vitit 2023 dhe programit buxhetor afatmesem përfundimtar 2023-2025, numrin e punonjesve për Bashkinë Vau Dejës " Të miratuar me shprehje ligjshmerie nga Prefektura Shkodër me shkresë nr. 24/1 datë 12.01.2023 është vendosur nga këshilli bashkiak se shuma 10 000 000 lekë do të kalojë në favor të shoqërisë për të plotësuar nevojat e saj për zgjidhjen e situates financiare të krijuar rishtazi"

SA ME SIPER, Palët bien dakord të lidhin këtë Marrëveshje me përmbajtjen, kushtet dhe afatet si vijon:

NENI 1 OBJEKTI



1.1. Objekti i kësaj Marrëveshje për Subvencionim është dhënia e subvencionit, nga pala 1 tek pala 2, në shumën prej 10 000 000 lekë (dhjetëmilionë lekë) - të gjitha njëheresh, me qëllim shlyerjen e detyrimeve që kjo shoqëri ka ndaj debitorit, në zbatim të vendimit të gjykatës nr. 507 (3391) datë 13.09.2022.

NENI 2 QËLLIMI DHE GJENDJA E SUBVENCIONIT

- 2.1. Ky subvencion jepet nga Pala 1 tek Pala 2 me qëllim të përcaktuar, për shlyerjen e detyrimeve që pala 2 ka ndaj debitorit, në zbatim të vendimit të gjykatës nr. 507 (3391) datë 13.09.2022.
- 2.2. Në datën e nënshkrimit të kësaj Kontrate, Palët deklarojnë se nuk është bërë kalimi i shumës. Disbursimi i saj do të bëhet sipas modaliteteve të përcaktuara në nenin 3 më poshtë.

NENI 3 DISBURSIMI

3.1. Pagesa do të disbursohet, me anë të transfertës bankare, drejtpërdrejtë në llogarinë bankare me numer 513418634 dhe IBAN AL8620551632418634CLPBCLALLT



3.2. PAGESA DO TË DISBURSOHET brenda 5 ditësh punë nga nënshkrimi i kësaj Marrëveshjeje.

NENI 4
KOHEZGJATJA E MARRËVESHJES

4.1. Kjo Marrëveshje lidhet deri në periudhën e arritjes së qëllimit të saj, i cili është disbursimi i shumës sipas nenit 1 të saj, duke filluar nga data e nënshkrimit të saj.

NENI 5
LIGJI I ZBATUESHËM DHE ZGJIDHJA E MOSMARRËVESHJEVE

8.1. Të gjitha çështjet që nuk janë rregulluar dhe parashikuar shprehimisht këtu do të rregullohen nga legjislacioni i zbatueshëm i Republikës së Shqipërisë, përfshirë, por jo vetëm, dispozitat e Kodit Civil.

8.2. Në çdo rast mosmarrëveshjesh në lidhje me këtë Marrëveshje për Subvencionim, ato do të zgjidhen në mirëkuptim midis Palëve.


NENI 6
TË TJERA

9.1. Marrëveshje për Subvencionim mund të ndryshohet vetëm në marrëveshje me shkrim midis Palëve.

9.2. Kjo Marrëveshje përpilohet në 4 kopje në gjuhën shqipe.

Për Bashkinë Vau Dejës

Për Ndërkomunale Bushat SHA


Mark Babani

Agron Çeka

